



Broj: 02-11-1951/21-AP-16

Datum: 21.10.2021. godine

Na osnovu člana 64 stav 1. tačka b). Člana 70. Stav 1. 3. i 6. u vezi sa članom 72. stav 3. tačka a) Zakona o javnim nabavkama („Službeni glasnik BiH“, broj: 39/14), člana 29. Pravilnika o internim procedurama u postupku javnih nabavki roba, usluga i radova i direktnom sporazumu („Službeni glasnik Općine Zavidovići“, broj: 4/2021 i 5/2021) i člana 39. Statuta općine Zavidovići («Službeni glasnik općine Zavidovići», broj: 5 /2008, 5a / 2008 i 11/2019), te preporuke Komisije za javne nabavke, u predmetu odabira najpovoljnije ponude dodjele ugovora o javnoj nabavci radova „Javna nabavka radova- rekonstrukcija i asfaltiranje lokalne ceste Donja Lovnica- Gornja Lovnica - II faza“, Općinski načelnik donosi

ODLUKU

Član 1.

Poništava se Odluka o izboru najpovoljnijeg ponuđača broj: 02-11-1951/21-AP-14 od 30.09.2021. godine iz razloga što je izabrani ponuđač „KOMGRAD -ZE“ d.o.o. ZENICA u ostavljenom roku nije dostavio traženu dokumentaciju (originale ili ovjerene kopije dokumentacije iz člana 45. i 47. Zakona o javnim nabavkama).

Član 2.

Prihvata se preporuka Komisije za javne nabavke, te se Ugovor o izvođenju radova na rekonstrukciji i asfaltiranju lokalne ceste Donja Lovnica - Gornja Lovnica- II faza za nabavku radova „Javna nabavka radova- rekonstrukcija i asfaltiranje lokalne ceste Donja Lovnica- Gornja Lovnica - II faza“ dodjeljuje se drugorangiranom ponuđaču „Hajdić“ d.o.o. Maglaj koji je dostavio ponudu 67/21 od 02.09.2021. godine u postupku dodjele ugovora o javnoj nabavci radova radova „Javna nabavka radova- rekonstrukcija i asfaltiranje lokalne ceste Donja Lovnica- Gornja Lovnica - II faza“ broj 02-11-1951/21-AP-3 u kojoj je nakon e-aukcije ponuđena ukupna cijena od 105.020,000 KM sa PDV-om.

Član 3.

Izabrani ponuđač ima obavezu dostavljanja dokumentacije propisane tenderskom dokumentacijom (u originalu ili ovjerenoj kopiji) u roku 5 (pet) dana od dana prijema Odluke.

Član 4.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 5.

Ova odluka objavit će se na web stranici ugovornog organa istovremeno sa upućivanjem ponuđačima koji su učestvovali u postupku javne nabavke, u skladu sa članom 70. Stav 6. Zakona o javnim nabavkama.

Član 6.

Ova odluka stupa na snagu danom donošenja.

O b r a z l o ž e n j e

Odlukom Općinskog načelnika broj 02-11-1951/21-AP-3 od 10.08.2021. godine pokrenut je postupak dodijele ugovora o javnoj nabavci radova „Javna nabavka radova-rekonstrukcija i asfaltiranje lokalne ceste Donja Lovnica- Gornja Lovnica - II faza“ putem otvorenog podstupka za koji je dana, 12.08.2021.godine upućeno Obavještenje o nabavci broj 1374-1-3-108-3-34/21 na objavu u Informacioni sistem „E-nabavke“.

Na adresu Općine Zavidovići do krajnjeg roka za dostavu ponuda 02.09.2021. godine do 12,00 sati dostavljeno je (šest) ponuda, i to sljedećih ponuđača: 1. „Geo put“ d.o.o. Maglaj; 2. „Porobić“ d.o.o. Zavidovići; 3. „Jatagroup“ d.o.o. Srebrenik; 4. „MGV Gradnja“ d.o.o. Zavidovići; 5. „Hajdić“ d.o.o. Maglaj; 6. „Dobojputevi“ d.d. Doboj Jug; 7. „Komgrad-Ze“ d.o.o. Zenica.

Komisija za javne nabavke za provođenje postupaka javnih nabavki roba, usluga i radova Općine Zavidovići je zaprimila pristigle ponude, izvršila njihovo otvaranje, te izvršila pregled i ocijenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je sljedeće: da su ukupno pristigle sedam ponuda, da su sve blagovremeno zaprimljene ponude, da nije bilo ponuda koje su odbačene kao neuredne u skladu sa članom 68. Zakona o javnim nabavkama.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocijenu kvalifikovanosti ponuđača te ocijenu prispjelih ponuda, u skladu sa kriterijima iz tenderske dokumentacije.

Nakon provedenog postupka e-aukcije dana, 10.09.2021. godine, a na osnovu Izvještaja o toku i završetku e-aukcije, Komisija za javnu nabavku za provođenje postupaka javnih nabavki roba, usluga i radova Općine Zavidovići dostavila je Zapisnik o pregledu i ocjeni ponuda broj: 02-11-2123/21-AP-10 od 04.10.2021. godine u kojem je izvršila rangiranje ponuđača kako slijedi:

Rb	Naziv/ime ponuđača	Ponudena cijena sa PDV-om
1.	„KOMGRAD-ZE“ d.o.o. ZENICA	86.804,00
2.	„HAJDIĆ“ d.o.o. MAGLAJ	105.020,01
3.	„DOBOJPUTEVI“d.d DOBOJ JUG	124.814,69
4.	„POROBIĆ“ d.o.o. ZAVIDOVIĆI	126.930,16
5.	„GEO-PUT“ d.o.o. Maglaj	127.311,21
6.	„JATAGROUP“ d.o.o.. SREBRENİK	143.171,73
7.	MGV GRADNJA d.o.o. ZAVIDOVIĆI	144.119,19

Ugovorni organ je dana, 30.09.2021. godine donio Odluku broj 02-11-1951/21-AP-14 od 30.09.2021. godine kojom je kao najpovoljnijeg ponuđača odabrao ponudu ponuđača „KOMGRAD-ZE“ d.o.o. Zenica. Nakon što je „KOMGRAD-ZE“ d.o.o. Zenica zaprimio Odluku broj 02-11-1951/21-AP-14 od 30.09.2021. godine nije dostavio originale ili ovjerene kopije dokumentacije iz člana 45. i 47. Zakona o javnim nabavkama a koje je bio dužan da dostavi u skladu sa Tenderskom dokumentacijom i odredbama člana 72. stav 3. tačka a) Zakona o javnim nabavkama.

Kako je rok za dostavu dokumentacije istekao zaključno sa 19.10.2021. godine, a izabrani ponuđač nije dostavio propisanu dokumentaciju, to nije postupio u skladu sa uslovima iz Tenderske dokumentacije.

Shodno članu 72. stav 3. Zakona o javnim nabavkama ugovorni organ dostavlja prijedlog ugovora onom ponuđaču čija je ponuda po rang listi odmah nakon ponude

najuspješnijeg ponuđača kada ponuđač propusti da dostavi originale ili ovjerene kopije dokumentacije iz člana 45. i 47. Zakona o javnim nabavkama, te je ugovor dodijeljen drugorangiranom ponuđaču „Hajdić“ d.o.o Maglaj.


POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana prijema. Žalba se izjavljuje ugovornom organu u pisanoj formi direktno, ili preporučenom poštom pošiljkom. Žalba se podnosi u najmanje tri primjerka.


Dostavljeno:

1. Učesnicima u postupku
2. a/a

Obradila:


(Sanela Muľahasanović)

Kontrolisao:


(Nermin Čahtarević)

OPĆINSKI NAČELNIK

Dr. sci. Hašim Muľanović

